

mit allerley wercken jrer hende / Vnd mein grim sol angezündet werden vber diesen Ort / vnd nicht ausgeleffchet werden.

VND zum Könige Juda / der euch gefand hat den HERRN zu fragen / solt jr also sagen / so spricht der HERR der Gott Israel von den worten die du gehöret hast. Darumb / das dein hertz weich worden ist / vnd hast dich gedemütiget für Gott / da du seine wort höretest wider diesen Ort vnd wider die Einwohner / vnd hast dich für mir gedemütiget / vnd deine Kleider zurissen / vnd für mir geweinet / So hab ich dich auch erhöret / spricht der HERR. Sibe / Ich wil dich samlen zu deinen Vetern / das du in dein Grab mit frieden gesamlet werdest / Das deine augen nicht sehen alle das vnglück / das ich vber diesen Ort vnd die Einwohner bringen wil / Vnd sie sagten dem Könige wider.

SA sandte der König hin / vnd lies zu hauffe komen alle Eltesten in Juda 4. Reg. 23 vnd Jerusalem. Vnd der König gieng hin auff ins Haus des HERRN vnd alle man Juda vnd einwoner zu Jerusalem / die Priester / die Leuiten / vnd alles volck / beide klein vnd gros / Vnd wurden für jren ohren gelesen alle wort im Buch des Bunds / das im Hause des HERRN funden war. Vnd der König trat an seinen ort / vnd machet einen Bund für dem HERRN Das man dem HERRN nachwandeln solt / zu halten seine Gebot / Zeugnis vnd Rechte / von ganzem hertzen vnd von ganzer seelen / zu thun nach allen worten des Bunds / die geschrieben stunden in diesem Buch. Vnd stunden da alle die zu Jerusalem vnd in Ben Jamin für handen waren / Vnd die einwoner zu Jerusalem theten nach dem bund Gottes jrer veter Gott. Vnd Jofia thet weg alle Grewel aus allen Landen / die der kinder Israel waren / vnd schafft / das alle / die in Israel funden wurden / dem HERRN irem Gott dieneteten. So lange Jofia lebt / wichen sie nicht von dem HERRN jrer veter Gott.

XXXV.

Passah

gehalten zu Jofia
zeiten.

VND Jofia hielt dem HERRN Passah zu Jerusalem / vnd schlachtet das Passah im vierzehenden tage des ersten monden. 4. Re. 23. Vnd er stellet die Priester in jre hut / vnd stercket sie zu irem ampt im Hause des HERRN. Vnd sprach zu den Leuiten / die ganz Israel lereten / vnd dem HERRN geheiligt waren / Thut die heilige Lade ins haus / das Salomo der son Dauid des Königs Israel gebawet hat / Ir solt sie nicht auff den schuldern tragen / So dienet nu dem HERRN ewrem Gott vnd seinem volck Israel. Vnd schickt das Haus ewer Veter in ewer ordnung / wie sie beschrieben ist von Dauid dem Könige Israel vnd seinem son Salomo. Vnd stehet im heiligthum nach der ordnung der Veter heuser vnter ewen brüdern vom volck geboren / Auch die ordnung der Veter heuser vnter den Leuiten / Vnd schlachtet das Passah / vnd heiligt euch / vnd schickt ewer Brüder / das sie thun nach dem wort des HERRN durch Mose.

VND Jofia gab zur Hebe für den gemeinen Man lemmer vnd junge zigen / (alles zu dem Passah / für alle die für handen waren) an der zal dreissig tausent / vnd drey tausent rinder / vnd alles von dem gut des Königes. Seine Fürsten aber gaben zur Hebe freiwillig für das Volck vnd für die Priester vnd Leuiten (nemlich Hilkia / Sacharja vnd Jehiel / die fürsten im Hause Gottes vnter den Priestern) zum Passah / zwey tausent vnd sechs hundert (lemmer vnd zigen) dazu drey hundert rinder. Aber Chananja / Semaja / Aethaneel vnd seine brüder Hasabja / Jeiel / vnd Josabad der Leuiten obersten / gaben zur Hebe den Leuiten zum Passah / fünff tausent (lemmer vnd zigen) vnd dazu fünff hundert rinder.

USo ward der Gottesdienst beschickt / vnd die Priester stunden an jrer Ste 29. te / vnd die Leuiten in jrer Ordnung nach dem gebot des Königes. Vnd sie schlachteten das Passah / vnd die Priester namen von jren henden vnd forengeten